

Kargu publikoetan jardun duten pertsona ugari daude HBko Mahai Nazional berrian

Batzar Nazionalak ildo politikoari buruzko txostena ere onartu zuen Iruñean

Kargu publikoetan eskarmentua izatea da HBko Mahai Nazional berriko kideen ezaugarri nagusia: 25 mahaikideetatik 7 zinegotziak dira, 4 parlamentarioak eta 3 Batzar Nagusietako kideak. Halaber, egun kargu publikorik ez duten mahaikideetatik 2 alkate ohiak dira eta 3 zinegotzi ohiak. Batzar Nazionalak Iruñean onartu zuen atzo zuzendaritza politikoaren osaketa.

MAHAI NAZIONALAREN OSAKETA

EUSKARA, IRAKASKUNTZA, KULTURA, KIROLA

Anjel Mari Elkano
39 urte. Oreretakoa. Irakaslea. Zinegotzia.

SOZIOEKONOMIA

Eusebio Lasa
35 urte. Beasaingoa. Ekonomian lizentziatua eta Kanpoko Merkataritza espezializatua.

NAZIOARTEA

Esther Agirre
27 urte. Basaurikoa. Abokatua. Gazte mugimenduan eta giza eskubideen defentsan aritua.

POLITIKA INSTITUZIONALA

Ibon Arbulu
29 urte. Santutxukoa. Euskal Filologian lizentziatua. Zinegotzia.

KOMUNIKAZIOA

Juan Joxe Petrikorena
34 urte. Andoainkoa. Kazetaritza jarduna. Zinegotzia.

MAHAIKO KOORDINATZAILEA

Joseba Permach
28 urte. Donostiakoa. Ekonomian lizentziatua. Zinegotzia. HBko behin-behineko bozeramailea.

ARABAKO KOORDINATZAILEA

Xanti Hernando
35 urte. Laudiokoa. Ikastolen mugimenduan jarduna. Zinegotzi ohi eta parlamentarioa.

BIZKAIKO KOORDINATZAILEA

Isabel Mandiola
38 urte. Etxebarrikoa. Irakaslea. HBko eraketa eta koordinazioan jarduna.

GIPUZKOAKO KOORDINATZAILEA

Jon Gorrotxategi
34 urte. Beasaingoa. Psikologian lizentziatua. Zinegotzi ohi eta batzarkidea.

NAFARROAKO KOORDINATZAILEA

Juan Kruz Aldasoro
27 urte. Etxarri Aranazkoa. Albaitaritza lizentziatua. Alkate inhabilitatua.



EAE-ANV
(Hautatzeko dauka)

J. APEZTEGIA

ARABA

Iñaki Olalde
40 urte. Agurainkoa. Kimikan lizentziatua eta irakaslea. Zinegotzi eta batzarkide ohi.

Kepa Gordejuela
41 urte. Gasteizkoa. Bankako langilea eta LABeko zuzendaritza jarduna.

BIZKAIA

Loren Arkotxa
53 urte. Ondarroakoa. Alkate ohi.

Endika Guarrotxena
37 urte. Sopelakoa. Athleticen jokalaria ohi eta irakaslea. Zinegotzia.

GIPUZKOA

Karmele Aierbe
46 urte. Ataungoa. Irakaslea. Zinegotzia eta EHEko Gipuzkoako arduradun ohi.

Xabier Zubizarreta
53 urte. Arrasatekoa. Zinegotzi, alkate eta batzarkide ohi. Egun parlamentarioa.

NAFARROA

Jose Luis Moreno
39 urte. Burlatakoa. Zinegotzi ohi. LABeko arduraduna Osasun arloan.

Pernando Barrena
32 urte. Iruñekoa. Editorea eta itzultzailea. Berriozarko zinegotzi ohi.

Joxe Austin Arrieta
48 urte. Oñazkoa. Banka enplegatua eta idazlea. Nazionalen kide ohi. Parlamentario eta zinegotzi ohi.


Jose Mari Lorenzo
43 urte. Bilbokoa. Deustuko Unibertsitateko Historia doktorea.

Xanti Kiroga
28 urte. Iruñekoa. Nafarroako arduraduna. Zinegotzi ohi. Palamentarioa.

Garikoitz Mujika
23 urte. Lazkaokoa. Fisikako irakaslea eta gazte mugimenduan jarduna.

Pablo Gorostiaga
56 urte. Laudiokoa. Alkate ohi eta egun zinegotzi. Batzarkidea. Parlamentario ohi.

Arnaldo Otegi
39 urte. Elgoibarkoa. Filosofian lizentziatua. Parlamentarioa. HBko behin-behineko bozeramailea.



Bi banketxeri eraso diete Arrasaten eta Legazpin

■ Etxean eginiko lehergailu batek eztanda egin du Getxoko Gizarte Segurantzaren egoitzan

Agentziak / Donostia

ARRASATEN burua estalita zeramaten sei bat lagunek Euskadiko Kutzaren egoitza bati eraso diote eta kalte nabariak eragin dituzte, Herri-zaingo Sailak jakinarazi duenez. Gaueko 00.30 aldera burua estalita zeramaten hainbat lagunek Arrasateko Iturriotz kalean dagoen Euskadiko Kutzaren kristalak apurtu eta barrura hainbat molotov koktel jaurti zituzten. Ondorioz, sutea sortu zen eta laster batean egoitza osoan zabaldu zen. Ertzaintza eta suhiltzaileak bertaratuta ziren arren, ez zuten egoitza erabat kiskalita geratzea eragotzi ahal izan. Hala, sarrera, bezeroek erabiltzen duen gunea, kutxazain automatikoa eta abar erre ziren. Halaber, egoitza horren gainean dagoen Lagun Aro aseguru etxeak ere kalteak izan ditu. Ertzaintzak Euskadiko Kutzaren egoitzaren inguruko etxeetako bizilagunak etxetik atera zituen.

Legazpin, berriz, BBVren egoitza bateko sarreran substantzia su-eragilea bota zuten eta su eman zituten. Bestetik, goizaldeko 00:55 aldera Getxoko Areeta auzoko Barria kalean dagoen Gizarte Segurantzaren egoitza eztanda egin zuen etxean eginiko lehergailu batek. X

Pirinio Atlantikoetako sozialistekin bildu dira PSNko buruak

E.E. / Iruñea

PIRINIO Atlantikoak departamentuko Alderdi Sozialistako buruak Nafarroako Alderdi Sozialistako zuzendaritzako kideekin bildu ziren atzo, Iruñean. Juan Jose Lizarbe nafar sozialisten idazkari nagusiak Philippe Joachim Pirinio Atlantikoetako lehen idazkariaren eta beste zenbait kideen bisita jaso zuen. Goizean, langabezia, 35 lanorduko astea eta Iruñea eta Baiona arteko errepidearen ingurukoak landu zituzten elkarrekin egindako bileran.

Bileraren ondoren Juan Jose Lizarbek Akitaniako eta Nafarroako sozialisten arteko elkarlana bultzatu eta areagotu beharra azpimarratu zuen. Ildo horretan, hain zuzen, hilaren 24an Hendaian Akitania, Nafarroa eta Euskal Autonomia Erkidegoko sozialisten arteko bilera egiten dutela jakinarazi zuen. X

Juan Kruz Lakasta / Berriozar

ATZOTIK, Herri Batasunak bi Mahai Nazional dauzka: espeteratutakoa eta aktiboa. HBk Batzar Nazionala egin zuen atzo Berriozarren (Nafarroa), eta batzarkideek Mahai Nazional berria eta 1998rako ildo politikoari buruzko txostena onartu zituzten. «Kartzelan dagoen Mahai Nazionalak ezin du zuzendaritza politikoa eraman. Zuzendaritza politikoa kalean dagoen Mahai Nazionalak eramango du, baina behin eta berriz gogoratu dugu Mahai Nazionala kartzelan dagoela, batetik bihotzak eskatzen digulako, eta bestetik behin eta berriz gogoratu nahi diogulako gizarteari zuzendaritza politikoa oso bat kartzelaratzea astakeria politikoa dela eta demokrazia eza erakusten duela», adierazi zuen Joseba Permach bozeramaileak atzo goizean, Batzar Nazionala egin etealdian.

HBko zuzendaritza politikoa beren gain hartuko dutenen ezaugarri nagusia da kargu publikoetan zein barne egituretan eskarmentu handikoak direla. Horretaz landara, guztiok euskaldunak dira, eta gehienek goi mailako ikasketak dituzte.

Mahaikide berrien artean badaude 7 zinegotzi -Anjel Maria Elkano (Errenteria), Ibon Arbulu (Bilbo), Juan Joxe Petrikorena (Andoain), Joseba Permach (Donostia), Endika Guarrotxena (Sopela), Karmele Aierbe (Ataun), Joxe Austin Arrieta (Donostia)-, 4 parlamentario -Xanti Hernando, Xabier Zubizarreta eta Arnaldo Otegi Gasteizkoan eta Santi Kiroga Iruñekoan- eta Batzar Nagusietako 3 partaide -Iñaki Olalde (Araba), Jon Gorrotxategi (Gipuzkoa), Pablo Gorostiaga (Araba)-. Egun kargu publikorik ez dutenen artean, halaber, hauek daude: Loren Arkotxa Ondarroako alkate ohi, Juan Kruz Aldasoro Etxarriko alkate

ohia, Jose Luis Moreno Burlatako zinegotzi ohi eta Fernando Barrena Berriozarko zinegotzi ohi. Bestalde, Eusebio Lasa Bruselako Herri Enbaxadan lanean aritu da, Esther Agirrek giza eskubideen alorrean lan egin izan du, Kepa Gordejuelak LAB sindikatuan, Isabel Mendiolak HBn, Garikoitz Mujikak gazte mugimenduan, eta Jose Maria Lorentzok kulturaren alorrean.

Mahai Nazionalen 25. kidea EAE-ANVkoa izango da, aurrekoetan gertatu bezala, baina alderdi horrek ez du oraindik bere ordezkaria aukeratu.

Ildo politikoa ere onartu dute

Permachek atzo goizean azaldu zuenez, HBko Mahai Nazionala espeteratu zutelarik, kartzelaturiko mahaikide presoek eta HBk erabaki zuten zuzendaritza berria beharrezkoa zela. Hori egiteko barne eztabaida antolatu zutelarik -horretan orotara 200

batzar egin dituzte, eta 5.100 lagunek hartu dute parte-, bide batez 1998rako ildo politikoari buruzko txostena ere aztertzea erabaki zuten. Permachen hitzetan, eztabaidetan «txostenean azaltzen denarekiko adostasuna izan da nagusi, eta ekarpen ugari eta interesgarriak kontuan hartu dira».

Txostenak hiru atal nagusi ditu. Lehenak azaltzen du Herri Batasunaren proiektu politiko propioa eta aldarrikatzen du «independentziak eta sozialismoak duten izugarriko potentzialitateak», bigarrenak eraikuntza nazionala du ardatz, eta hirugarrenak benetako herritar batasuna osatzaren garrantzia nabarmentzen du. «Horiek izango dira HBren nortasunaren ardatzak, eta benetako gogoz, kartzelan daudenengatik, konpromezua hartzen dugu txostenarekin aurrera jarraitzeko», esan zuen atzo Joseba Permach bozeramaileak. X